

石雲山人詩集

石雲山人詩集卷二十一

歸田集

庚子

南海吳榮光伯榮

召對至再蒙

恩鑒

臣

衰老許歸田里感賦一首

四月廿二日

奏謝

天慈九拜行微臣深覺負平生出山四十三年事入

覲五千餘里程垂老尙蒙容訪再

上詢官履及  
聞省情形甚詳

將

歸猶計度支盈

復詢錢糧兵  
餉稅課出納

南旋一路從頭憶憶到前

恩重自驚

不敢乞休

天賜休感

恩泥首淚交流就衰二品邀優寵

上以臣本無過免改京堂遂令二品

致仕際盛諸公况壯猷新禁已應清薄海

上問鴉片之禁臣謹對以

可漸肅清

甘膏遙憶遍遐陬

廿日得雨

太平歌詠田間事歸去羣編正待修

余有吾學錄二三編易證閩湘經義

鈐清館金石文字歷代名人年表帖鏡書畫錄及拙詩文稿擬付梓

蘆溝橋

桑乾河水碧粼粼相送

皇都第一津奔走

主恩曾綠鬢摧磨官驛幾紅塵看花客已垂垂老見月  
人懷昔昔春笑問橋頭守關吏從今可似葛天民

端午日

舉世賀端陽實昉於唐李維時興慶池百戲爭侈靡豈  
知楚龍舟午日弔屈耳乃以爲佳節紛紛饋饌簋東家  
誇羅葛西家引宮徵孤忠致命日可哀胡反喜毋乃如  
椒蘭快心害君子得賢世斯盛妨賢道之否獵考渭濱  
日夢溯傅巖始以之慶明良吉祥庶止止

夢程故司農

經術足匡時思君耿不置長嘯人海中幾人交道義況  
君將大用胡爲竟齎志生別會已難死別無可冀昨夜  
月初黑天風吹君至若道平生歡兼及身後事我我好  
丰采欸欸勉德意告君爲我慰幸脫風塵累宇宙頗甚  
寬容我初服遂歸去理殘編尙有君手記書成君不見  
但認知己字上下數千年蒼茫一大地

長歌述懷

我不爲郊外雞受人恩養憚爲犧感激馳驅甯可辭我

不爲轅下馬負重難行無休暇驂騑乘黃世豈無何必  
相畱此駑駘負重不能當引退無疾引疾吾不耐誰能  
屈意干上官六十老翁宜自愛決然具疏叩

九閭五千餘里待行藏沿途風火目疾作不敢請亟徒  
傍徨

帝乃召對審視再許臣錦衣還故鄉噫嘻吁此身久致  
非吾有

恩賜歸農何獨厚泥首長懷日送時昨日巖廊今畎畝  
五日拂衣辭春明歔風暑雨催我征燕雲粵水八千里

天高地迥一盤行歷歷山川久曾識  
趨相送如有情人謂此行難我謂此行安  
風鈴月柝不入夢塵羹土飯仍加餐  
昨夜車塵雨泛灑今朝馬足雲瀾漫  
山胡爲而鬱盤水胡爲而波瀾世途險  
易吾心澹紛紛何者能相干但頌

太平有道賢才在位

皇帝萬壽天下歡犧已免其用馬已免其殫  
保身南去歸林巒暇與田夫野老含醇泳德  
長作碩人寬

王家營口號

去時暑如熾歸時路無塵天公眞愛我念我四十三年  
長苦辛俾我歸去太平樂慰我歸去太平人稽首謝天  
公非惟愛我尤愛民自春徂夏雩不雨二麥待槁千畦  
眇忽而溟濛天宇合大雲一片隨蹄輪甘澍三日先我  
至我行千有餘里土膏勻膏已入土萬家快不潦不涸  
南北津酷暑全蕩滌微涼到衣巾居人行人俱得所荷  
鍤舉袂歌洪鈞如此云不歸孤負天心仁良田美宅究  
何必飯蔬飲水可以安吾身貪吏到處富廉吏到處貧  
人生貧富有定分無田不退恐被天公瞋



後感遇詩一百韻

教孝

君之恩教忠父之志

恩重志未逮夙夜慚所事憶我省親來

召對亟詢備大年期耄耄細事及寢饋三日眷眷心

疇咨承宣界

上連日咨詢樞臣定省分藩使缺

謂於閩省中得一好

藩使

上謂得一好藩司亦資整飭

兢兢奉以行間關閩垣至蔡襄

日新堂燕度安民識誓以始終心成此

太平治閩垣多君子澄清切攬轡詎知權不屬依人原

匪易幸而兩載豐九野富秉穗自顧分得爲觀風與察

吏鳳池

書院名

吾所築籌畫廣厦庇

添致道堂等處五十餘間并添膏伙

臺

郡吾所念科試增名次

添舉人一生員八

百未舉二三亦旣勞

且瘁自維父年高又渥

國恩被以此中夜思輾轉不成寐戊子得凶訃我父永

見棄生離骨肉恩死別肝膽淚哀哀鮮民生星奔逢夏

季到家一慟蘇痛不及含禭惟與諸弟謀繭足尋邱隧

或買西樵舟或策東樵騎自秋迨盛夏始得負一簣乃

在白雲

山名

巔上有摩星歸

嶺名

告舉雙親殯吉竈謹視殯

念我本勞人崇封不敢遲

去

父母去日遠魂夢或可冀

廬墓兩年餘制服期已泊辭墓惘就道諸季爲酸鼻敢

告父母恩此身將永致長守父母訓毋爲天人媿謁

帝承明廬謂

臣

事已遂勉以爲國出家計勿縈累乃命

之楚南仍以承宣寄及我甫下車湘沅盡淹漬兩郡之

民命大半屬枯骸具牒急請行六月暑如熾忍矣龍陽

令剖尅民怨詈及見武陵令賑卹乃備施一舉而一効

羣屬知怖悸乃開十九厰煮粥救痿痺轉壑或杖引棲

樹或繩縋我飢持一甌當衆與嘗試果無灰土雜幸釋

衆疑貳續以工代賑萬人趨墉堅直至九秋初方免民  
顛躓煌煌

恩旨下楚南命撫莅三湘開幕府兩部給鼓吹可憐  
主恩重凜凜恐失墜維時衡永徭妄逞螳螂臂五日馳  
師往告誡嚴鼓鞀惟恐民傷殘敢顧我勞勩萬家月黑  
博一路星明概經過仍市耕熙攘自鄰比飛檄我營縣  
軍功無貪覬錦田一小所聚可焚蟻譬拾渠散脅從應  
守我文示詎知兩營府輕進賊橫恣蹂躪及三縣將竄  
九疑遂我急堵其隘分兵防險設提督再失機間謀巧

窺伺一朝喪其元紛逕起邊燧悠悠此蒼穹斯人胡如  
醉將軍下自天羅思舉元戎亟略地盧坤乃

詔臣榮光旋省籌軍補幸堵西南隘賊穴徙東陂漸毆

至羊泉衡州地如窠聚螭蛟將軍以火攻一鼓成功始此

舉迅而就乃是

天威暨褒賞及將佐首重爲之帥微臣本無成敢妄居

寵利但與元戎謀善後添移寘未幾假督節感深

恩數異丙申遭鐫級武岡又作祟手提孤軍往艱險安  
敢恚直至受代來入備京卿位甫及一載餘閩藩再濫

厠閭俗愈尙鬼窮搜及妖魅紛紛牛犬頭咒人至祈餌  
雙雙蝴蝶母誨淫尤詭秘尼庵肆養奸風俗何乖刺急  
爲除其害刻石大書記自此更豐稔民和多休瑞獬獬  
五虎山名雄鼎足三山企爭高各逞怒堪興家所忌况復  
水土惡更當賢才避入

覲天賜休

臣

實感且憙吾自服官來閱年四十二

己未至庚子

厚恩難悉數小心惟勑愆不敢市德威詎復顧危惴雖  
知宦途難亦各盡愚智上答

君父恩下顧出處義今茲得歸來敢告我後嗣敬念登

我堂五福

天章賜復念敢我篋十冊

平西域  
十圖

石渠閔一陪蓬瀛宴五奉麇鹿蔽

兩朝錫予物微臣平生意保之慎毋忘勉哉識所自

晝夢

廿年臺省夢前緣正是涼雲澹日天  
慚愧名心猶未盡  
午風吹到太平船

和芸臺師北湖萬柳堂韻

從遊何幸各江湖共說今圖勝昔圖  
種柳客開新別墅

拈花人憶舊毘盧

京中萬柳堂  
今爲拈花寺

北來好雨千塍稻西去

清風一渚蘆簑社光輝如可借肯容傳道得吾徒

時有  
徒居

維揚  
之志

甘露寺紀遊用蘇文忠韻呈芸臺相國師

凍雨打江急遊人興未闌移舟泊北固共愜清和歡快  
哉流峙蹤脫此羈束官有客清河來風塵方解鞍從師  
訪古寺萬綠扶危欄不見甘露瑞止見長江寬俛視數  
上郡縣但有波瀾漫六鼇在大海誰釣珊瑚竿一一各  
龍蛇擾擾如猓獮此地扼京口六代憑窺鑽奸雄侈力



爭莽莽來曹瞞很石坐中人已作談笑觀寄奴射蛇洲

往事空疑團蕭衍大鍊鑊文偈徒翻瀾釋言

唐僧名

棄寶

刀度人開涅槃韓滉修隄壁石頭城獨完用則維屏翰  
棄則秋扇執何必瘞舍利資福多欺謾何必廣輦路獻  
媚避蹢躅我欲登絕頂徑驂左廳鸞第一江山字言尋  
天監刊俯仰盡陳迹凜然增高寒千年幾君臣螳雀橫  
相干我佛自聲聞羣山相鬱蟠到今賢與愚紛紛俱蓋  
棺吾師爲我言閱世堪長歎事或成與敗如方不可刊  
待時與待人分定宜自安

記師坐中語

況當

太平時扁睡容陳搏冠蓋滿當途江湖爲樂難苑枯會  
有期梅橘誰甘酸悠悠山水心欲叩成連彈

雨中登凌雲亭

臨風高咏大江東六代江山細雨中吳晉戰爭餘壁壘

齊梁遊覽亦英雄版無張陸千年畫

張僧繇  
陸探微

坐有金焦

兩簇工莫笑雲烟憑過眼阿暉爲我寫空濛

攜有小米  
雲山得意

圖  
卷

焦山寺用蘇文忠韻呈芸臺相國師

烟雲過眼常眈眈焦先之廬京口南風塵羈人不易到

越年已隔三十三

丁卯距今庚子

解組從師得來此綠陰如夢

過浴蠶十六庵主相迎笑未謝逋客吾其慚松寥閣下

借一宿大江水漲深潭潭萬筠乍曉鶯睨睨閒人初試

朝睡酣起看周鼎定陶鼎

周鼎前明已有定陶鼎師施寺中

吾師辯證

資清談銅鼓

張芥航河帥所施

是殷非援鑄與鶴銘字宜畱龕

忠愍詩札

亦吾師所施

忠烈氣配以贗卷

偽忠愍書不知何人所施

公何

甘佳遊略紀各劇跡後來閱者無嗔貪我施金經五千

言文字倘供禪悅堪他時歸來或相憶竹深松老坡可

庵

小齋名

題許長史舊館壇碑追次覃溪老人訪碑詩韻

乞身歸作少微星，悵望華陽幾度青。  
念載客懷天監石，

覃溪卒於戊寅

三春人讀館壇銘

今年三月見鈞贈本

王羊書派精嚴後

楊許仙蹤隱約聽，始信會稽傳八法。  
只畱化度與心經，

題王二樵

戲

栗園學詩圖

舉世學爲詩，誰謂布與菽。紛紛多鬼才，自詡錦囊蓄。  
但欲嘔心肝，以逞其歌哭。豈知三百篇，義醇詞則樸。  
風雅勞人思，幽頌生民福。當其寄興時，偶然驅草木。  
漢魏雖豪雄，而氣猶清穆。六朝風月詞，泛濫及絲竹。  
吾甯爲曹

劉而不爲潘陸筠哉瑯琊家教子城南曲水石媚幽棲  
烟雲供小築說詩得古意持論破流俗教皆歸溫厚性  
本謝雕縵遂令學詩人明發懷圖錄君子有穀貽請視  
栗園栗

岳忠武玉印

卅九載匆匆章留急就工

印爲白文用急就章篆法

金牌沙裏蟻玉

印雪中鴻漢壽應同炯

先出湘水者

湘靈亦護忠

印亦得之湘水

一

孺懷古意但唱滿江紅

僧六舟拜素圖

隸眞不背古至草六書壞當其奮迅前誰守怒張誠蘭  
亭已退筆正謂防痛快下至張與顏猶然二王派戈磔  
雖小異古法未逾界作俑始周越流毒甚蜂蠆徒恃血  
氣勇勝人若樊噲莽莽至元明紛紛逞狂怪釣哉釋素  
書不肆亦不憊擔簦來上國長史尙書介亶亶數十年  
妙悟若針芥智永今已無此尙鐵門眉掃來一千字字  
字無稍懈力厚氣轉柔肘圓鋒不鍛雖出古臨摹於理  
尙未背乃知唐人法後人皆茫昧元燈有漸頓緣天多  
梵唄六公其寶之台下辦香拜

六舟惠梅根杖以手寫金經報之

六十衰翁憚暑行此行蒙贈老梅精輔人黽勉應無咎  
同我逍遙見太平扶老欣看歸靖節疑年猶待問徵明  
杖有衡山銘年六十一歲報君般若五千字願證根因度衆生

蕭寺訪碑圖

紛披老筆寫巖阿續紺增琳幾代過廿載名山都踏遍  
他年誰發我陂陀

題黎美周

遂球

牡丹狀元詩冊詩後寫寄家人十

二花詩題日報花志將歸隱二首

高詠天香奪狀元一時檀板與金樽美人旖旎風懷事  
名士蒼涼雪爪痕珠海雲霞方爛熳琵琶湖烟月又黃昏  
酒闌知我鄉心切添寫花期話故園

十年我亦久離家差喜將歸作報花秋色關心防晚晚  
春光迴首儘繁華南窓寄傲能存菊東郭消閒學種瓜  
今日讀君詩句好衆芳遲我尙天涯

題繆西垣彤雲上壽圖二首

一朵彤雲兆大魁

謂諸孫念齊先生形

到今貽穀盡英才披圖却

憶朝天日正是垂紳正笏來



慶雲一燾卽歸雲可惜權奸國是紛畢竟後人逢  
聖代至今羔鴈已成羣

題韓蘄王墓碑圖三首

晉公勲業在當時竟毀平淮十丈碑寵利居成有人忌  
不如身後付追思

金牌十二哭精忠蓋世奇功亦不終八疏乞休驢背穩  
閒人誰識是英雄

當日同讐切北征教人先識鼓鼙聲世間多少英雄老  
誰向豐碑表姓名

余解組南歸道出吳門屢欲爲太湖洞庭之遊友  
人力以草深水漲止之遂不果往今見采芝圖  
漫爲賦此二首

赤岳清湘住六年慣看清曉楚江天

撫楚六載

竭來走遍江

南路憶到包山興杳然

我欲乘風陟莫釐茫茫身世兩然疑草深湖漲人何處  
但看西山畫采芝

和黃霽青及門寄懷韻二首

天涯鴻跡記吾曾四十三年人客勝

聖主已容邱壑老  
路人猶訝水雲僧  
舊經橋李山容愧  
遠望蓬萊海氣澄

時定海用兵

多謝相招秋色好  
衰遲杯酒

恐難勝

三吳遊遍慰餘齡  
水隔蒼茫兩洞庭

遊太湖未果

五日從師

過柳墅

從芸臺遊北固焦山遂至萬柳堂

千年尙友證蘭亭

刻真定武稷序付吳

門顧氏

三秋風月如前日

時杭州科場

卅載鯤鵬半曙星

丁卯榜存

者不及半

秃筆摧頽如我老  
待君相見好磨礪

題徐問渠

楸

取印圖

問渠生子以所得古印名之曰登字曰長孫爲其伯氏後

識一丁字挽兩石弓  
古來將相將毋同  
丈夫添丁以許

國與其狗功甯人功肘後黃金大如斗豈盡從軍膺爵  
崇徐翁六十始生子取繼伯氏承金鍾佳兆先見長孫  
印厥名曰登姓則宗遂以命名取同物試周剛喜初秋  
逢謂言提戈兼取印曹國華者希嘉蹤而子生當

太平世不必執殳爲前鋒不戈而印古有例公孫文學  
平津封但願劬我鄒鄭學通德元接扶風融吾聞君家  
有吉夢積善衮衮生侯公秋水之神何其澈食牛之氣  
何其充他日開筵宴賓客待我更看提戈雄

青芝山鄧司徒廟有古柏四相傳爲清奇古怪四

品繪圖作詩

以下四首  
遊鄧尉作

蒼莽青芝山寂寞司徒廟精爽風雲會荏苒日月照廟  
南古柏四一一盡英妙清如正直姿奇是蛟虬繞古榦  
鬱以伸怪骨危而峭千百載神明留我供歌嘯我觀清  
奇才直是棟梁料待用方有時豈但資憑眺伊惟古與  
怪既老才不肖磨鍊幾霜摧朽折遭野燒再生雨露恩  
曲全邱壑悄於以保天年匠石誰能要急爲呼丹青伸  
紙繪竄窳有用與無用相看但一笑

元墓山巧石

瞰光照元墓琳紺紛臺閣我意殊不畱絕磴躡烟屨言

拜郭青州與我好一壑

石廣幾半畝在墓傍

手自撥蒙茸始得盡

垠堦縱橫緒風透宛轉瘦雲削刁調千竅通混沌五丁

鑿萬峯自太古衆籟在寥廓人世閱仙凡天宇幾笙鶴

我逕呼愚公欲前行且却王朱論詩堂

在寺前有漁洋牧仲小像新

詩胡不作問石石點頭笑我善戲謔迴頭望漁洋

阮亭以此

山爲號山在寺西

秋淺雲漠漠

### 鄧尉光福寺

天風來太湖吹我入山寺初日烟霏開人影光福里具

區關靈輿此塢富山水東崦闔林木西灣聚清泚古塔  
自禪關羣嵐照書几萬樹萬梅花魂在空巖裏茫茫香  
雪海寂寂亭臺圯欲問根中因已結枝頭子去住生滅  
心迴環苑枯理山老佛不言水清我無滓再拜觀自在  
菡萏香初起

登蟠螭山題壁

太湖東南來到此方迴瀾屹然蟠螭山終古飛激湍俛  
視八百里巨浸相瀾漫縹緲莫釐峯何處毛公壇指點  
兩洞庭迢遞東西巒草深水復漲欲往誰驂鸞忽憶六

年前有客湘江干夜月扁山舟朝暎君山欄春風萬株  
梅秋風九畹蘭再拜二妃墳移此釣清小齋名竿舊遊亦  
如夢茫茫湖海寬欲問巖居人三百遺朱樂可望不可  
即但作如是觀題壁紀佳興大書與深刊

遊獅子林至畫禪寺

一邱殊勝米家顛怪底琳宮榜畫禪寺合林分三十載  
行人過眼數雲烟

巖子陵釣臺

世路亟需才才人亦需世出則冠廊廟處亦光陬澨矯



矯嚴先生與主論舊契惟時漢中興將相艱難濟豈不  
足相助或忝馮鄧替顧恐火求推甯以星犯帝荒灘來  
物色頽俗資激勵旅進恥棘槐獨善芳茝蕙至今烟水  
間風與江天霽我來登此臺解組得歸計論才無尺寸  
懷祿空濡滯自悔歸已遲田園久蕪翳一角雲山蒼千  
年日月逝急趁秋風棹留寒魚正麗

一笑

一笑八千里相看同此言路人云齒健舟子識官尊僚  
友多新故居停半子孫吾衰惟自覺歸合杜蓬門

庚子九日登滕王閣放歌

如此長天如此水過眼四十三年耳

戊午登此閣

登臨我欲

問前緣請纓投筆胸中起於今天放作閒人船窓紅日

憑欠

平

伸不必馬當好風送歸途迤邐章江濱問是九

日高秋辰薄攜子姓

子尙忠孫喜官

拉佳客

瞿申之

好趁高閣凌

雲策迴首驂騑風景前驚心吳楚東南壻快矣哉雲山

三面開匡廬九千卷覽遍彭湖四百里溯洄西山誰投

簡南浦權當益名德有陶庾交誼如陳雷劉賀固宿土

灌嬰亦黃埃殷羨多事帶書至張華空煩求劍回請語

王子安休誇作賦才梁鴻賈誼自有命馮唐李廣甯須  
哀天高地迥儘自適關山萍水聊追陪但須與客痛飲  
傾樽罍昨日之日亦既往今日之日頻相催集枯集苑  
古人事何關肺腑爭磨摧紅萸黃菊所一笑閒鷗野鶴  
毋相猜茫茫回望潯陽浦有人樂天不疑歸去來

百花洲

江風乍寒吹一碧吹到此洲明水石百花未問問黃花  
可是東籬陶令宅黃花因我未歸來隔江先報遲遲開  
是日火速放孤棹故園千里待銜杯

周芸臯廉訪

凱

仿盛子昭村居圖寄贈趙竹泉方

伯

炳言

云若得荷屋題字倍爲增重昔吳仲圭

與盛子昭對門居求盛書畫戶屢常滿而吳則  
寥寥其妻笑之吳曰五百年後自有知者後盛  
名果遜於吳芸臯仿盛卷而求余題或寓謙抑  
之意耶二首

忽覩烟村一幅綃故人東望兩年遙如今吳鎮頽唐甚  
却讓當年盛子昭

烟雲過眼澹無多感我歸心到澗阿高絕擊梧周待詔

昨在吳門見周文矩擊梧圖卷極似此幅此圖合付趙鷗波

九月十三夜夢中作

曉山如黛水如羅作雨先期得氣和六十年前釣遊地  
至今留此好巖阿

南歸度梅嶺疊戊午韻

九月廿八日

此身一出費攀尋多謝西江接北岑送我萬千從宦路  
感人遲暮倦遊心十年誓墓日斯邁九月登高秋已深  
富貴如雲俱過眼好因梅福問山林

拜張文獻公祠疊丁卯三月紀夢韻

九月丁卯日

保身幸有宦成時  
拜手將歸到海涯  
回首風塵忘險易  
驚心珠璞幾危疑  
人懷六國強而仕

天賜餘齡髦及之  
三十四年鴻爪在  
感深前夢費堅持

還山疊戊午出山韻二首

十月初九日

錦衣璀璨喜歸雲  
四十三年勞逸分  
人愧相州夷險節  
客懷盤谷壽康文  
江山藻筆留應遍  
里社絃歌事正紛  
難得

聖恩容我老微才  
何敢告忠勤

波影嵐光白髮新  
輕舟方趁小春辰  
卿雲曾幸逢

昌運宦海甯知有要津兩袖清風扶杖老廿年舊雨對

牀人

外任後樸園薌冷庶巷孺生拱垣容卿  
豫卿諸弟姪會先後到黔浙閩楚署

絕憐晚節

花相待待我歸來健在身

菊花  
始開

同懷弟彌光樸園編輯

子尙忠春卿

尙志任卿校字

石雲山人詩集卷二十一止

石雲山人詩集卷二十一續

賜五福堂集

庚子辛丑  
壬寅癸卯

南海吳榮光伯榮

新種雙槐

庚子十二月四日

歸來歲晏卧滄江爲借清陰拓北窗暖到土膏將臘八  
芳催風信占春雙頭廳蔭好懷仙籍馳道花黃憶客幢  
從此著書與偕老南柯無夢蟻爲邦

和張棠邨太守見寄韻張先歸里余贈以杖末句  
及之

此身無補負清流簪笏今朝次第收已愧七閩容黯伯



更煩三楚頌康侯險夷宦跡曾過眼用舍

君恩竟到頭深感諸公各勞勩

時浙粵用兵

杖藜從子得優

遊

重遇啓蒙日作

道光辛丑正月二十四日

人生識字百憂始憂在讀書與窮理悔我聰明六十年  
鑿破混沌能視履是時墨池春始融文昌六宿輝當空  
逢時唯恐其不工望我顯揚雲路通顯揚亦何難要識  
忠孝字教孝

大君恩教忠老父志遂歷四十有三載省闈迴翔封圻

寄

先皇調我詞賦能奏御千紙紛飛騰給札還挑戍夜燈  
今皇詔我論史事開元天寶溯前治靡不有初煩

聖慮

記甲午  
入對語

先皇旌我五世堂若祖若父憑綏康  
今皇許我歸省日十六年始親稱觴

君恩逾重臣逾憂爲臣爲子何所求讀易每防公餽覆  
讀詩長抱維繫羞十年不休有甯越一第自進無蹇脩  
文字結習忘襁褓世故周旋多愆尤廿一科人

兩朝老羣才廊廟吾當休到今差識義利辨不願脂韋  
干王侯到今尙守聖賢誠不願身世隨沈浮可知德我  
亦誤我甯合與人殊薰蕕詞賦科名悔獵取此筆憑付  
江淹收我生之初拜經日晚識經訓窮研搜堂堂去日  
時難留從此然藜高閣長春秋

人日用杜工部韻二首

得歸茅屋後又感菜羹時臘甫三旬閱春猶六日遲

三十

春日立

久辭樂山宴遠憶

鼎湖悲

是日

世祖忌辰

忽觸爲人義舊臣慚寸絲

千人遊樂登樓見八陣威靈踴躍看似此太平春色始  
休忘備禦劍光寒時開映夷之警客懷荆楚花曾翦詩有淒瞻  
調未彈欲上安仁峯刻石多防筋力奮飛難

牡丹盛開

去年得見此花人惟賴江南客路塵詎謂今朝傾國色  
全供隔歲故園春胭脂自是無圖畫金粉何知有笑顰  
富貴如雲都過眼歸來相對愧綦巾

暮春

萬彙爭春意氣豪最繁華處澹相遭歸鴻閱世飛方倦

新蜨乘時起正高開到柳花春似夢潤添桑柘雨如膏  
太平野老田間望靖逆今朝

賜節旄

時靖逆將軍  
奕公到省

閩上巳日古洛脩稷分韻

得惠字

氣暖春尙留字暖天微霽出門汴洛水寄暢尋吾契新  
漲花柳滋嫩旭江山麗緬懷山陰亭磊落羣賢稷靜躁  
欣所遇俛仰無留滯茫茫今視昔何論莊與惠今日少  
長集好風吹衣袂兩度春暮遊一笑人間世去者如煙  
空來者已川逝惟有臨河序越千有餘歲鼠繭卽勲名

針鋸皆道藝乃知事無大要在傳勿替墨池潑灑波筆  
陣縱橫勢各願愛景光東風到蘭蕙

由鼓山至龍塘掃墓作

三醉心心到九泉鼓山南接白雲天我懷趼足雙阡路  
客感招魂一紀年卜兆最難兄弟翁誦芬尤望子孫賢  
春風歲歲人抔土可念辛勤相度先

題唐貞觀人書藏經冊四首

正是真文印度來烏絲供奉盡仙才一枝青瑣嬋娟筆  
特爲君王麻紙開

五紙重添七紙長墨緣迦葉有餘香葫蘆小印裝池例

愧付書家趙子昂賈相洛神十三行後歸趙松雪

文皇監目賴中書米老家令題名惜闕如此是梵香真

妙諦可容七寶較璠璣貞觀七寶轉輪王經同出一手

誰向迦維植勝緣萬花飛舞墨痕鮮般羅妙偈同宣出

神往貞觀廿二年心經亦廿二年內出

題宋御府荔枝圖卷四首

曾記江頭渲絳霞餘香漫數變龍牙等閒細憶無雙品

認得南安著作家

每從南海憶南閩又見離離眼界新安得七篇添掛綠

掛綠爲南海極品可配陳紫

披圖長慰倦遊人

初元却貢拜

當陽

道光元年停荔枝貢

枉費劉

偏

周

鼎

詩沸蟾却與老臣消受

得闌風伏雨注紅香

幾處園池幾處村半生出處總

君恩卽今準備

昇平事注譜餘閑又買園

時海氛甫靖

宋人畫歸牧冊二首



慎爾優游勉遁思水邊林下却知時可憐文繡爲犧者  
歸聽兒郎到處騎

耕雲犁雨竟何功不害三時穫自豐力盡放閑今已遂  
算來畢竟感天公

題宋元畫集冊九首

綠樹紅欄擁畫廊山雲初起日初長仙家歲月人間世

安得移居到上方

仙山樓閣

馳驅四十有三年往返

君親路八千今日畫圖風雪裏有人鴻爪憶前緣

風雪  
行旅

雙松偕老一閒身又見新陰幾度春世上儘多軒冕客  
可容吾作注經人

松老著書

蓋世功名黍一炊

山谷句

萬花初發又冰絲銷金帳底人

如夢猶是黃梁未熟時

萬花春睡

放下雙毫來聽松山花香帶墨花濃北窗謾謾羲皇世

誰寫當年寄傲蹤

聽松圖

風塵撒手得優游老樹經霜又報秋除却是非都不管

一枝橫笛去騎牛

牛背吹笛

曾翦封圭領一圻幾多窺伺到南枝十三葉在春長好

莫放彈丸打雀兒

梧桐雙鳥

玉砌紅欄天上居  
梧桐涼後晚花餘  
百城萬卷垂垂老

恐有人間未見書

桐陰讀書

騎驢何必定詩人  
廿載曾衝北棧塵  
昨夢衝寒梁益路

滿山風雪宰官身

棧道圖

題沈石田畫扇補和其韻

六法微茫後南宗  
一手拏空濛山影得  
狼藉墨痕斜詩境  
才人筆畫禪天女  
花八旬留此老爲  
我寫年華

黃石齋先生畫松歌補和蘇齋韻

何來乾坤正氣留根株散布兩京宣歙吳先生妙手一  
拈出世間喬木無真圖是時明祚旣衰薄凜凜河山風  
景殊矯矯先生欲振起在朝孤立無人俱不則十八公  
應十八樹圖畫松十八南北京及包山黃山所植左槐右棘迴翔去講筵  
能爲柱石留殘山莫問荒煙處可憐抗直傲霜姿飄零  
遲暮凌雲賦人逢

聖代慰貞魂

論文貞

畫向名賢憶良晤猶存報國寺前庭

雙株盤鬱天冥冥三十年前舊遊地撫摩偃蹇人曾經  
包山黃山集慶路有無存者空風霆秀水記畫添畫院

守道特立節不變不知薜藤附我非我附一任攀援終  
自見而況後凋之性幾霜鍊萬古不磨有真面作者用  
筆如掣電匆匆偶或一遺之何至倚石附藤爲遷轉籀石  
先生跋語余未以爲然我今著書閉戶學種松茫茫四處追前蹤

今宵畫境倘入夢定有雲氣隨虬龍干霄蒼莽天吹風  
辛丑中秋鶴露軒玩月以萬里共陰晴爲韻得里

字

秋風動桂林自我離別始迢遙四十年南北十萬里催  
我詠霓裳照我書鸞紙澄鮮上塞峯浩渺洞庭泚策蹇

雲棧遙泛棹聞江邇尙憶去年秋孤客西泠淚嘆息風  
景佳寂莫湖山美何期竟得歸歸我鶴園址鶴聲警露  
來況值天如水兄弟及良朋開尊爲我喜應門無別客  
隅坐有稚子所愧伊蒲饌念昔曾膺仕且盡今夕歡流  
連到杯匱息我勞生形悟我盈虛理如此團圞月當頭  
幾回是各懷良會難何處清歌起想見瓊樓寒有人正  
遙倚

巴油江晚棹同關星池孝廉

景泰

及諸弟作

秋催重九賦登高又泛巴油試晚舫斜照崢嶸鮮愈炯

歸雲迤邐澹相遭欲回天地憑雙櫂自顧身名感二毛

正向南阡

祖母易太夫人葬地

馳泝切他年留我好林臯

時向星池商定

附營生壙

重開牡丹得重字二首

老來富貴又相逢話到韶華第一重隔歲杯盤猶繾綣

連朝風露正惺忪十分合待春常滿

上年秋蕾而未花

一捻新

添態倍穠若惜天香塵不染須移獨秀最高峯

時將有桂林之行

行

歲歲吟花筆未慵此生端合作花農驚心身世推移日

迴首園亭富貴蹤絕調三章香露疊新粧一笑彩雲重  
臙脂買得從頭畫拚訝人間蝶與蜂

和奉璋弟送別韻

千里心猶壯三春髮已宣辭家兄弟別避地櫟樗年鄉  
井拚輕擲朝廷望凱旋昨宵曾有夢夢着祖生鞭

和樸園三弟送別五十韻

憶昔分離日文章似有神奎芒雙手得

戊午夏市有雷州原拓奎宿像

黃友欲購之市人曰予吳姓者

芝彩一龕新

佛山祖廟供北帝像

自此

間關老遑言遇合因遠遊吾就道小學汝逢辰是日牽



衣別重慈酌斗申

祖母六十

廿年親祖健再厯館科臣得失

雞蟲境推移谷木津艱如桑鵠命苦是蓼蟲身上塞嚴  
霜屢陪都溢潦頻采風先莅晉分節始移秦馬向黔池  
飲魴曾鄂渚遵提衡來浙越傳舍閱湘閩四十有三載  
東西南北人策名言瘁盡

教孝許私陳况荷

殊恩重何心倦翮竣六邦臺省屆三楚戟麾巡往往憑  
嘉棣年年祝大椿詎知屏翰日竟作蓼莪民廬墓三年  
慕尋山百躋辛炎風催葬地皎日告靈晨出處思無忝

行藏自有真年華看荏苒宦海幾風塵一昨辭簪組歸來理釣綸放閒

天賜暑歸老地依隣珠海金山外西華古洛俱地名濱弟

兄秋話月少長稌宜春屢別情彌切相看語益諄念勤

書有篋述德雅扶輪綾障八旬母十叔母蘭階九艷親九叔

父飪餐俱健在箸杖勉調馴正俗慚金匱閑家告

玉宸余官巡撫時曾奏言粵楚之隣境臣當約族姓查假冒得旨報可蔭宜三宋美福

集七劉均師古經宜拜宗周學可循余有拜經堂又撰吾學錄廿四弓

屠維曾夢錫青纓待君勺已酉正月夢人授筆一束日勿用盡將以俾汝弟也果

得科名貴

甲午鄉舉

毋嫌車馬駢盛年方翮羽遠志定翔鱗

視草需簪筆占茅勿索葺總宜身達善不獨里居仁願

我倭遲倦行當耄耄倫著書方蟻術行墨愧龍賓況有

重胝疾居然半士貧執戈徒愾奮懷土竟邇迤避地言

猶在

丙戌歸省曾稟諾資政公以廣東地大物博余兄弟眾多恐難久居欲遷他省

傳烽患已

臻鴻飛甯遠引夔屈豈求伸兩日河梁別三人酒醴醇

兼調柳塘蘊山

福山俄解纜桂水又揚舳眾指延陵季誰誇穎

水荀守宗吾欲老昌後汝當振紀筴花重卯

今春二月重開牡丹

諸弟有詩

吹箎事繼寅

吹箎集刻於庚寅欲從今年壬寅起續選

歸來原不遠準

備鄂柑菌

用桐谷侄留別韻二首

鼠姑花事正紛綸

二月重開牡丹各有詩章

又感西行去住身故里

烟花青似夢沿途山色翠宜春佳遊差喜能扶杖老別

依然此抗塵他日夢中瞻馬鬣相望一水慰勞人

今年七十正平頭多感

天恩預賜休千里關山頻警鴈一湖烟水欲盟鷗

寓居湖東

廿五峯樓

銷兵觀望知何日歸棹迢遙又感秋早晚虎門聞

喜信還家重問竹林遊

賃宅就醫和主人李楚船秀才

宗沅

見贈韻二首

幸得一枝借相逢首夏初辭家云采藥避地作傭書已  
遂息機轍多慚問字車故園枕戈夢東望正紛如

一老頽唐日連朝饋問殷移陰煩竹戶却病藉桐君

走得

馬藤足疾愈

聞楚虛勞轂文章數逸境依隣殊慰意猶願廣

前聞

和楚船秀才謝饋墨韻

磨人五十年雲烟任烏有泮妃向我笑淋漓徒博醜科  
名如拾瀋歲月自雕朽贈君含毫姿用助散卓手

先饋之筆

近稱方于程君才遠遯奚李久其餘紛紛者但拜下風  
走物意雖甚微各念膠漆友

小女祿卿畫美人八幀各題其一

散花女

萬花飛舞絲雲舒誰向空明大塊居身悟根塵原不着  
人經富貴較何如春光到地風輪轉秋色連宵月府虛  
多謝天香攜滿裏先生危坐正軒渠

西子

一自東風出苧蘿世間從此笑顰多三吳歌舞娃宮盛

千古風流響屨過  
范蠡載春歸浩渺  
伍員遺恨在山河  
亦知紅粉能亡國  
後世猶傳得寶歌

洛妃

寄心曾賦洛川神  
遺枕荒唐作感甄  
才是盛年方獨處  
人懷良會見孤臣  
遠遊欲接綃裙霧  
微步誰承羅襪塵  
一例寓言忠愛字  
雲旗會載屈靈均

二喬觀書

正是東風鎖二喬  
大江霸氣未潛消  
同袍異日君臣義  
挾策芳年姊妹僚  
閫外將才門內助  
牀前兵法掌中嬌

可憐兒女英雄地金粉徒聞送六朝

紅拂

踞牀餘氣望方崇誰肯投身客夜中  
亂世幾能成將相美人一睨識英雄  
開囊煮酒事同快贈宅當筵謀亦工  
他日緋衣雙下拜虬髯已在大瀛東

麻姑

此是麻源第幾圖銜芝仙鹿降麻姑  
丹砂赤豆誰聞見錦綺文章世有無  
後代碧花開菡萏前身丹藥在葫蘆  
一圭欲向雙髯乞清淺蓬萊是玉都



紅線

七百郵程片刻回，幾重兵馬左扉開。  
荒雞落月三更去，曉角吟風一葉來。  
高揭銅臺容跋扈，巧攜金盒費驚猜。  
烏蠻高髻龍文匕，想見當年女俠才。

倦繡

每將繡線度金鍼，豈若詩人繪美心。  
蛺蝶俱飛難入格，鴛鴦相對不離禽。  
若論絨唾嫌麤俗，自信毫添有淺深。  
幾輩閨才幾烟月，亦知無暇聽蛩吟。

寄和樸園並蒂蓮詩韻二首

行厨準備宴麻姑  
剛報粧賓並蒂芙  
眼見荷花生日近  
可能長憶榜書無

八桂迢迢一水盈  
塤箴相倚未忘情  
十分風露三分月  
照到禪山夢亦清

波面亭亭玉佩音  
緣情猗靡發清吟  
更誰善讀離騷者  
識得延蓴兩美心

獨秀峯

今人戒逸游江山了無色  
豈知流峙蹤望古憑拂拭巍  
巍獨秀峯天涯逞奇特  
數弓讀書巖五詠懷人墨庶幾

及遠邦陋俗增藻飾我來偶登臨漸覺秋氣逼四海汗  
漫游七旬腰脚力憶昔黃鶴峯湖北黃鶴山側有獨秀峯鼓勇造其  
極東顧大江笑疑有晨風翼今甫陟山椒一上三歎息  
自慚吾衰遲恐負此英嶷悵望碧雲來灘南接湘北

桂隱二首寄樸園弟

外侮尙未滅臣何以家爲而況洞門開眈眈巧伺窺  
明詔責有司有司其何辭自維食厚祿安敢愚不知顧  
非得藉手且被放閔時放閔

聖恩深年力七十衰佛山近省城烽火連鼓鼙未能執

戈往跛足良難支敬憶父教忠趨庭同學詩望我兄弟  
貴

皇路同驅馳四十有三載我幸如所期惟時方承平歸  
省三陳私父子感

天澤兄弟吹埴篴何知甫辭

闕邊衅來海涯越先定海失吳亦寶山危一再受鈇鉞  
聖主方疇咨遠近籌糧餉置臣方憂疑而我病廢人安  
枕卧茅茨耿耿此臣心永維非所宜豈不念宗祏時事  
關心脾豈不念邱園鄉國多凌夷連歲兩弟沒更增鵠

原悲

六九弟

逝將採藥去去去甯云遲脈脈此一水照我

心孤羈往則岵岵望返則春秋祠

借用漢書祠字

秀峯高不極

灘水清且漪七桂植庭前是惟隱者簪吾弟席前人有  
後毋棄基明年公車旋假道慰相思持子紅杏花映我  
丹桂姿厭亂呼蒼天廓清東南陞上頌我

朝廷

主聖臣師師子方慶彈冠我亦歸故枝

愧非名世且沉浮昨夜山家報有秋畫虎不成甯畫鵠  
犧鷄猶憚泥犧牛鳥飛絕頂罡風早魚到重溟駭浪悠

幸有叢生仙桂樹與人無患小山幽

韋石用韋廬集韻

八月一日

澹極蘇州詩峭極韋廬石巖壑窅一峯烟雲淨四壁天

上秋心孤人間夜氣碧載歸近百年珠江感疇昔

石曾藏羊

城陳氏

李小韋上舍

宗瀛

秋集卽席有作和韻

慚愧秋來文酒筵憑君借我好林泉萬籤環衛雲烟眼

一老顏唐鹿豕年好古客多收蠟紙探奇人約打魚船

約遊月牙山還珠洞關心更念韋廬石何日能陪再拜緣

八月廿四日小韋招同人游伏波巖月牙山再疊

前韻

一笑清談滿四筵  
灘江秋泛訪雲泉  
滄波自伏英雄畧

璧月初牙客旅年  
誰話入林新洞壑

月牙山近代所開

我懷橫

海舊樓船

時望喚夷之捷

摩挲幾輩鴻泥跡  
欲話前生蘇米緣

朝陽洞用女祿卿韻

八桂隱山幽  
舉家憑偃仰  
探奇得六洞  
洞以朝陽敞  
萬

石互松徑一水通  
蓮蕩草木漸堅蒼  
時正逢秋爽  
長風

吹田塍浩浩眾壑響  
危樓集八仙  
仙窟窅百丈  
教父

甫

坐一笑山水契虛朗

洞坐老子香火極盛

汝詩歸家諷招隱有遐

想迢迢七年來侍母憶曾往何期我重來烟霞結清賞

風洞小集

眾山圍谿訝料峭天風透其外倚東郭刁調遞相授我  
來尙秋熱林影澹清晝快哉披一襟泠然滿雙袖曲折  
陟其巔何人起雲構倚雲望四野四野忽堅瘦凜凜梵  
經返闔黎在其後開尊命嘉客涼氣入飢餒搖落幾人  
來江山正如繡

祀竈詞



緒風催年將四九昨夜甕頭初熟酒東家西家爆竹聲  
餽餽橙橘沿街走張單端坐樂有年無大無小咸稽首  
一拜司命言大羅根塵知己恩曰明日良藹妻力進退  
勿占牴觸樊再拜司命禱有才惟應致身早旗常之勲  
萬民福太平旣醉身名保我亦著書閉戶一瓣香桂林  
地僻無黃羊七十焉得却老方李少君者誠荒唐功名  
富貴都陳迹惟願年年送臘酬千觴

和東坡岐亭韻

補李文學消寒會作

周末慨勝殘兵殞更酖汁佛乃七步來憫生及胎涇岐

亭五篇留妙手偶然得李子消寒局檢韻有底急禪悅  
在伊蒲仁心到鳬鴨仙緣元修菜夢境寶幢羣只聞翰  
墨香不見刀砧赤識士及張秦用公太息行和詩各元白相  
率再拜來裁裁好冠幘賢才感身名江山與歌泣我有  
書髓帖陸放翁選宋石刻宋拓東坡書髓二弓間有殘缺今在予家誰能補其缺可  
惜是日會但作門外客不然從公言或可添杜集書髓有書

杜詩  
二首

### 老將

屈指昇平事業中餘生翼鏢見英雄自憐健飯三遺矢

每憶長驅一掛弓，部曲幾經開府貴。  
奏書猶記定邊功，毆羊自守無成義。  
讓與他人楚炬紅。

老客

四十風霜幾問津，東西南北一勞人。  
殿前作賦曾逢主，閩外提兵敢愛身。  
蕩節昔爲南岳長，桂林今借小山春。  
念年回首思親路，半是黔閩陝浙塵。

初夏

閉門養疾儘閑居，多謝清和化日舒。  
豈有機心與蜂蝶，更無筦契悟鳶魚。  
觀身自在能參偈，入世難忘且著書。

百鳥誰恩復誰怨飛鳴隨意到階除

懷資政公墓

癸卯七月二十日

廬墓人懷墓烟霞相對間遠懷寄屏嶂妙手幾荆關歲

月仍華鬢風流任淙潺感余十三載何處白雲山

先塋在

廣東白雲山道光庚寅七茸落成

同懷弟彌光樸園編輯

子尙忠春卿

尙志任卿校字

石雲山人詩集卷二十一續